



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
23 Disember 2019 (Isnin)

AKHBAR

MUKA SURAT

Harian Merto

- | | |
|--|----|
| - Gesa sediakan lokasi khas merokok | 13 |
| - Alamak air terputus lagi | 2 |
| - Bergilir dengan anak tadah bekalan air | 3 |

Berita Harian

- | | |
|--|---|
| - Pesalah buang sisa bayar ganti rugi | 2 |
| - Gangguan bekalan air di Selangor sepanjang 2019 | 2 |
| - Tutup lurang kumbahan Bandar Bukit Mahkota : MB | 2 |
| - 1.5 juta penduduk 366 kawasan terjejas | 4 |
| - Pernduduk gesa kerajaan ambil tindakan segera | 3 |
| - Penguat kuasa tak cukup pantau along | 2 |
| - Batal lesen, dakwa syarikat langgar syarat | 3 |
| - Selara elaun Ahli Majlis PBT belum boleh dilaksana | 6 |

The Star

- | | |
|------------------------------|---|
| - Next city for Klang Valley | 4 |
|------------------------------|---|

News Straits Time

- | | |
|---|---|
| - Dangerously Unsecured | 1 |
| - 'It's time to get serious | 2 |
| - IWK to seal 20 sewage manholes, says exco rep | 3 |



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Harian Metro
Tajuk Berita	Gesa sediakan lokasi khas merokok
Muka Surat	13

23/12/2019 (Hm)
m/s 13

Gesa sediakan lokasi khas merokok

Kuala Lumpur: Kementerian Perumahan dan Kerajaan Tempatan (KPKT) akan meminta semua pihak berkuasa tempatan (PBT) di seluruh negara menyediakan kawasan khas merokok di lokasi yang bersesuaian.

Menterinya, Zuraida Kamaruddin berkata, arahan itu dibuat bagi menyokong inisiatif Kementerian Kesihatan Malaysia (KKM) yang mengeluarkan arahan larangan merokok di semua tempat makan awam bermula 1 Januari 2020.

Dalam satu kenyataan yang diedarkan semalam, Zuraida berkata, arahan penyediaan kawasan khas merokok itu akan dilaksanakan secara berperingkat di PBT terpilih.

"Pada 20 Disember lalu, saya sudah merasmikan tapak projek Senario Ampang dan Santai@Ampang Point dan kawasan khas merokok turut disediakan Majlis Perbandaran Ampang Jaya dalam lingkungan jarak tiga meter dari tempat makan awam.

"Penyediaan kawasan merokok ini mematuhi arahan yang ditetapkan KKM," katanya.

Dalam pada itu, Zuraida berkata, perokok diminta tidak membuang puntung rokok merata-rata dan mengamalkan pembuangan sampah di tempat sesuai dan merokok di kawasan yang dibenarkan sahaja.

Beliau turut menggesa PBT melaksanakan penguatkuasaan Undang-Undang Kecil Larangan Pembuangan Sampah ke atas perokok yang membuang puntung rokok merata-rata.



“
Jangan buang
puntung
merata-rata
Zuraida Kamaruddin



**MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT**
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Harian Metro
Tajuk Berita	Alamak air terputus lagi
Muka Surat	2

2A www.hmetro.com.my @hmetro [HarianMetro](https://www.facebook.com/HarianMetro) @hmetro

Isnin 23.12.2019 | **Harian Metro**

lokal km 23/12/2019 M/s 2




PENGIKHTIS Jawatankuasa Tetap Alam Sekitar, Teknologi Hijau, Sains, Teknologi dan Inovasi dan Hal Ehwal Pengguna Negeri, Hce Loy San (kanan) melihat saliran pembetungan yang tercemar di Bandar Bukit Mahkota, Bangi, semalam.

MINYAK kehitaman dalam sistem pembetungan FWK mengakibatkan arahan henti tugas di dua Loji Rawatan Air Sungai Semenyih dan Bukit Tampoi.

Oleh Nur Lela Zulkipri
Nurlela@hmetro.com.my

SUNGAI SEMENYIH TERCEMAR

ALAMAK AIR TERPUTUS LAGI!
Dalang buang minyak dalam pembetung IWK diburu pihak LUAS

JARAK LRA SUNGAI SEMENYIH KE IWK BANDAR BUKIT MAHKOTA



Lejangs Alak

Limpaan minyak kehitaman dikesan pada satu daripada pembetung dalam jaringan sistem pembetungan di Bandar Bukit Mahkota. Ia susulan siasatan yang dijalankan terhadap sistem berkenaan ekoran pencemaran air Sungai Semenyih yang menyebabkan dua Loji Rawatan Air (LRA) Sungai Semenyih dan Bukit Tampoi terpaksa dihenti tugas. Lembaga Urus Air Selangor (LUAS) dalam satu kenyataan berkata, selepas mengesan pencemaran berpunca daripada loji rawatan kumbahan (LRK) Indah Water Konsortium (IWK) Bukit Mahkota, pihak berkenaan menghentikan pelepasan air serta melaksanakan rawatan menggunakan hidrogen peroksida kristal (CIP) pada jam 1 tengah hari kelmarin. Katanya, selepas mengesan pencemaran di satu pembetung di Bandar Bukit Mahkota pula, kerja pembersihan dijalankan.

"Kerja pembersihan dan penyedutan bahan yang disyaki sisa bahan terjadual itu mula dilakukan pada jam 4 petang oleh pihak IWK, menggunakan dua lori tangki berkapasiti lima meter padu.

"Menteri Besar Selangor (Datuk Seri Amirudin Shari) juga mengarahkan intervensi segera pihak IWK untuk memerikan kerja pembersihan dan penyedutan sisa itu supaya implikasi pencemaran dikurangkan dan bekalan air terawat ditahap semula dengan kadar segera. "Activated carbon juga disediakan oleh Luas dalam keadaan siap siaga sekiranya diperlukan di tempat pelepasan akhir LRK ke sungai," katanya dalam satu kenyataan semalam. Kenyataan sama berkata, pemantauan dan persampelan dijalankan di Sungai Beranang dan sekitar Peristaran Mahkota 2

Kerja pembersihan dan penyedutan bahan yang disyaki sisa bahan terjadual itu mula dilakukan pada jam 4 petang oleh pihak IWK, menggunakan dua lori tangki berkapasiti lima meter padu"

Lembaga Urus Air Selangor

dan sehingga jam 12.30 tengah malam tadi, bau sebanyak 3 ton masih dikesan di Sungai Beranang, selepas LRK terbahit manakala bau sebanyak 2 ton masih dikesan di muka sauk loji di Jenderam Hill. Katanya, Luas dan semua pihak terbabit berusaha menanganai insiden berkenaan dengan segera serta mengenal pasti dalang kejadian itu.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Pesalah buang sisa bayar ganti rugi
Muka Surat	2

ISNIN, 23 DISEMBER 2019 **BH**

Muka Dua *BH MS/2* 23/12/2019

Gangguan bekalan air berulang

Pesalah buang sisa bayar ganti rugi

Pindaan akta perlu dilaksana pastikan tiada pihak khianat

Oleh Rafidah Mat Ruzki, Norhafzan Jaafar, Luqman Arif Abdul Karim dan Muhammad Yusri Muzamir
bhnews@bh.com.my

Kuala Lumpur: Gangguan bekalan air yang berulang di Lembah Klang memerlukan tindakan penyelesaian komprehensif membatalkan pindaan undang-undang serta sistem penyaluran yang selamat bagi memastikan tiada pihak melakukan khianat.

Insiden pencemaran bau yang semakin berleluasa ketika ini berpunca daripada kelompangan peruntukan akta sehingga pesalah tidak gerun berdepan denda minimum, berbanding kos melantik pengurusan pihak ketiga.

Kepincangan Akta Kualiti Alam Sekeliling 1974 (Akta 127) itu memberi laluan segelintir syarikat menjadikan sungai, lurang dan parit sebagai saluran pembuangan sisa tanpa memikirkan impak terhadap bekalan air pengguna serta ekosistem semula jadi.

Mengorak langkah untuk menghentikan insiden sedemikian, Presiden Persatuan Penyelidikan Air dan Tenaga Malaysia (AWER), S Piarapakaran, mengusulkan supaya kerajaan memasukkan klausa baharu mewajibkan pesalah membayar ganti rugi setimpal terhadap pengguna dalam peruntukan Akta 127.

Menerusi Seksyen 47, akta yang diwartakan pada 1974 itu hanya memperuntukkan kuasa bagi ketua pengarah menuntut kos dan perbelanjaan membersihkan sebarang pencemaran didalangi pesalah selepas didakwa dan dibuktikan di mahkamah.

"Kita pernah usulkan kepada kerajaan untuk lindungi kepentingan pengguna yang terjejas setiap kali berlaku isu pencemaran sebegini kerana syarikat pembekal dan rawatan air, selain restoran, kilang serta pemilik akaun domestik berdepan kerugian.

"Justeru, perlu ditambah satu subseksyen baharu untuk mewajibkan pembayaran ganti rugi setimpal kepada pengguna setiap kali berlaku isu pencemaran supaya mereka yang sebelum ini tidak gerun dengan undang-undang sebelum ini terpaksa menampung kos lebih tinggi setiap kali melakukan kesalahan.

Eksklusif

"Jangan biar pesalah terlepas begitu saja dengan sekadar membayar kos pembersihan dan selang beberapa bulan kembali mengulangi kesalahan," katanya ketika dihubungi *BH*, semalam.

Beliau mengulas kejadian Loji Rawatan Air (LRA) Sungai Semenyih yang terpaksa dihenti tugas sepenuhnya sejak kelmarin susulan pencemaran bau di Sungai Semenyih akibat pembuangan sisa secara haram ke dalam lurang kumbahan Indah Water Konsortium (IWK) oleh pihak tidak bertanggungjawab.

Keadaan itu menyebabkan 348 kawasan membabitkan 1.5 juta pengguna di Wilayah Petaling, Hulu Langat, Kuala Langat dan Sepang mengalami gangguan bekalan air tidak berjadual.

Mengenai mekanisme penilaian ganti rugi, Piarapakaran berkata ia boleh ditentukan menerusi pengiraan 'prorata' bulanan setiap akaun pengguna domestik atau komersial.

Katanya, pembayaran ganti rugi itu boleh disalurkan kepada syarikat pembekalan air sebelum diagihkan mengikut pengiraan prorata kadar penggunaan sebulan yang dikreditkan ke akaun pengguna dalam bentuk rebat.

"Usah beri alasan bahawa kerana ini sukar dilaksanakan kerana ia sangat rumit. Pembayaran ganti rugi berteraskan pendekatan ini akan menjadi mudah jika wujud sistem perakaunan pengguna," katanya yang menawarkan diri memperincikan mekanisme itu dengan pihak berkenaan.

Sementara itu, Suruhanjaya Perkhidmatan Air Negara (SPAN) meneliti beberapa mekanisme, termasuk memberi 'imbuhan' kepada pemberi maklumat, bagi menangani perbuatan membuang sisa haram ke sistem kumbahan.

Pengerusi SPAN, Charles Santiago, berkata adalah mustahil menempatkan anggota pemantau di setiap lurang atau lubang periksa kumbahan daripada disalahgunakan pihak tidak bertanggungjawab.

"Perincian berhubung mekanisme itu akan diperincikan lebih lanjut menerusi mesyuarat bersama Air Selangor Sdn Bhd (Air Selangor) dan Indah Water Konsortium Sdn Bhd (IWK)," katanya ketika dihubungi semalam.

Charles berkata, SPAN perlu bertindak segera kerana ada pihak tidak bertanggungjawab mengambil jalan singkat menjadikan lurang sebagai 'lubuk' pembuangan sisa haram.

Katanya, mereka terbahit bertindak sedemikian kerana tidak mahu mengeluarkan belanja menggunakan perkhidmatan pihak ketiga untuk mengurus pembuangan sisa secara teratur.

"Berkemungkinan mereka ada kunci untuk buka *manhole* (lurang) atau pecahkan sebelum membuang sisa yang akhirnya menyebabkan pencemaran bau.

"Tindakan ini sangat tidak bertanggungjawab, malah menyebabkan kerugian menjangkau berbilion ringgit dan menyusahkan jutaan pengguna yang terjejas apabila operasi perkhidmatan air terpaksa dihentikan," katanya.

SPAN, dalam kenyataan semalam, turut memaklumkan kertas siasatan berhubung kes pencemaran bau itu akan dihantar kepada pihak pendakwa raya supaya tindakan tegas diambil terhadap pihak yang melakukan perbuatan tidak bertanggungjawab berkenaan menerusi Akta Industri Perkhidmatan Air (Akta 655).

Sementara itu, Pakar Geologi, Prof Emeritus Datuk Dr Ibrahim Komoo, berkata pembekal perkhidmatan air bersih perlu mencari pendekatan lebih baik bagi mengelak pencemaran air mentah, sekali gus memastikan bekalan air bersih tidak terjejas.

Beliau berkata, sistem saluran paip terus dari sumber bekalan di empangan ke loji pembersihan air seperti dilaksanakan di kebanyakan negara maju perlu dipertimbangkan bagi mengelak berulang pencemaran air mentah ke LRA.



Jangan biar pesalah terlepas begitu sahaja dengan sekadar membayar kos pembersihan dan selang beberapa bulan kembali mengulangi kesalahan.

S Piarapakaran,
Presiden Persatuan Penyelidikan Air dan Tenaga Malaysia (AWER)



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Gangguan bekalan air di Selangor sepanjang 2019
Muka Surat	2

mpj 2 23/12/2019 (bH)



Gangguan bekalan air di Selangor sepanjang 2019

19 Mac Bekalan air di 59 kawasan Petaling, Hulu Langat dan Sepang terjejas akibat gangguan elektrik yang menghentikan operasi beberapa rumah pam di Seri Kembangan.

24 April Gangguan bekalan sehingga 86 jam di Klang, Shah Alam, Petaling, Gombak, Kuala Lumpur, Kuala Langat dan Kuala Selangor susulan kerja penambahbaikan perkakasan kritikal sistem bekalan elektrik di Loji Rawatan Air Sungai Selangor Fasa 2 (LRA SSP2).

5 Mei Gangguan air sekitar Klang susulan tiga paip utama kendalian Air Selangor pecah berhampiran projek pembinaan Lebuh raya West Coast Expressway (WCE) Banting-Taiping.

16 Mei Gangguan air di sekitar Shah Alam susulan kerosakan pam utama di LRA SSP3.

3 Jun Bekalan air di Klang dan Kuala Langat terjejas selepas paip utama bersaiz 1,800 millimeter (mm) pecah di Setia Alam.

7 Jun Pengeluaran air terawat LRA Sungai Langat terjejas akibat alat penapisan mekanikal tersumbat.

17 Jun Sebanyak 33 kawasan di Selangor mengalami gangguan air tidak berjadual susulan paip pecah di Taman Prima Sri Gombak, Gombak.

26 Jun Sebanyak 31 kawasan di Klang mengalami gangguan air selepas paip utama 1,050mm dari Kolam Terminal Bukit Jelutong ke Kolam Lipat Kajang bocor.

19 Julai Gangguan bekalan air dan tekanan air rendah di Lembah Klang susulan henti tugas sertamerta LRA SSP1, SSP2 dan SSP3.

20 Julai LRA Rantau Panjang dihenti tugas susulan pencemaran bau di sumber air mentah Sungai Selangor. LRA SSP1, SSP2, SSP3 dan Rantau Panjang dihentikan operasi disebabkan pembuangan bahan berasaskan minyak di loji rawatan kumbahan serantau IWK di Batang Kali.

21 Julai Empat LRA berkenaan ditutup semula selepas Syarikat Bekalan Air Selangor Sdn Bhd (SYABAS) mengesan minyak diesel mencemari sumber air mentah Sungai Selangor.

28 September Kira-kira 372,031 pemegang akaun di 204 kawasan di Selangor terjejas bekalan air apabila operasi LRA Sungai Semenyih dihentikan susulan pencemaran bau di Sungai Semenyih.

13 Oktober Kerosakan sistem elektrikal LRA Sungai Langat menyebabkan 5 pam air mentah tidak dapat berfungsi.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Tutup lurang kumbahan Bandar Bukit Mahkota : MB
Muka Surat	2

BH 23/12/2019 M/s 2

Tutup lurang kumbahan Bandar Bukit Mahkota: MB

Shah Alam: Kerajaan negeri mengarahkan Majlis Perbandaran Kajang (MPKJ) dan Indah Water Konsortium Sdn Bhd (IWK) menutup secara kekal semua lurang kumbahan di loji rawatan di Bandar Bukit Mahkota, Bangi untuk memastikan insiden pembuangan sisa kimia tidak berulang.

Menteri Besar, Datuk Seri Amirudin Shari, berkata penutupan secara kekal itu perlu berikutan lokasi pencemaran terbaru berdekatan lokasi pencemaran yang

berlaku pada September lalu.

"Kita akan menutup dan mengehadkan laluan ke tempat pembuangan sisa berkenaan kerana ia adalah lokasi yang hampir sama dengan kejadian pencemaran pada September lalu.

"MPKJ sudah diarahkan untuk menutup kawasan itu supaya tidak boleh dilalui dan ia juga akan ditambah sebagai satu lagi tempat yang akan dipantau oleh sistem kamera litar tertutup (CCTV)," katanya di sini, semalam.

Beliau berkata, sehingga jam 4 petang semalam, kerja pembersihan hampir selesai dan nilai pencemaran air sudah mencapai tahap satu ton.

Katanya, air pada satu ton sudah selamat digunakan tetapi berikutan bau yang kurang baik, pengguna tidak yakin untuk menggunakannya.

"Kita menunggu nilai air mencapai kosong ton (tiada pencemaran bau) dan harapan kita pada jam 10 atau 11 malam ini (malam tadi),

kita boleh menyalurkan semula air ke akaun terjejas," katanya.

Sementara itu, Pengerusi Jawatankuasa Tetap Alam Sekitar, Teknologi Hijau, Sains, Teknologi dan Inovasi (STI) dan Hal Ehwal Pengguna Selangor, Hee Loy Sian, berkata melalui perbincangan yang dijalankan, IWK bersetuju menutup semua 20 lurang kumbahan di kawasan itu secara kekal.

"Ini untuk mengelakkan sebarang orang membuka lurang berkenaan," katanya.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
23 Disember 2019 (Isnin)

Akhbar	Berita Harian
Tajuk Berita	1.5 juta penduduk 366 kawasan terjejas
Muka Surat	2

BK 23/12/2019 m/s 3

Nasional

Gangguan bekalan air berulang

1.5 juta penduduk 366 kawasan terjejas

Bekalan hanya akan pulih dalam dua hingga tiga hari

Oleh Rafidah Mat Ruzki, Muhammad Yusri Muzamir dan Ekhwan Haque Fazlul Haque bhnews@bh.com.my

Bangi: Lebih 1.5 juta penduduk di 366 kawasan di Petaling, Hulu Langat, Kuala Langat dan Sepang terjejas susulan penutupan Loji Rawatan Air (LRA) Sungai Semenyih akibat pencemaran bau sejak pagi kelmarin.

Pengerusi Jawatankuasa Alam Sekitar, Teknologi Hijau dan Hal Ehwal Pengguna Selangor, Hee Loy Sian, berkata bekalan air membabitkan 336,930 akaun pengguna itu hanya akan pulih dalam dua hingga tiga hari jika nilai pencemaran air berada pada paras sifar ton, iaitu tiada langsung pencemaran bau.

"Operasi pembersihan sisa kimia sehingga paras bau mencapai bacaan sifar ton sedang giat dijalankan sejak semalam (kelmarin) sebelum air dapat dilepaskan semula ke Sungai Semenyih untuk diproses di LRA.

"Pemantauan dan persampelan yang dijalankan Lembaga Urus Air Selangor (LUAS) di Sungai Beranang dan sehingga jam 9.30 pagi tadi (semalam) paras bau sudah mencapai sifar ton dan di harap berterusan bagi membolehkan air disalurkan semula ke sungai untuk diproses," katanya pada sidang media di Loji Kumbahan Indah Water Konsortium (IWK) di Bandar Bukit Mahkota, di sini, semalam.

Sementara itu, bekalan air di dua hospital kerajaan iaitu di Hos-



Loy Sian memantau proses penyedutan bahan kimia berhubung insiden pencemaran bau yang mengakibatkan LRA terpaksa ditutup di Bandar Bukit Mahkota, Bangi, semalam. (Foto Azhar Ramli/BH)

pital Serdang dan Hospital Banting dicatu berikutan kejadian penutupan loji air di Semenyih, Selangor.

Ketua Pengarah Kementerian Kesihatan, Datuk Dr Noor Hisyam Abdullah, menjelaskan catuan itu terpaksa dilakukan bagi memastikan perkhidmatan kesihatan di hospital berkenaan dapat dijalankan.

"Catuan air terpaksa dijalankan untuk memastikan perkhidmatan kesihatan seperti pembedahan dan lain-lain dapat dijalankan," katanya menerusi cipapan di laman Twitternya, awal pagi semalam.

Hospital Serdang menerusi status di laman Facebooknya me-

maklumkan sudah mengaktifkan pelan kontingensi gangguan bekalan air.

"Sehubungan itu, semua pihak dinasihatkan untuk menggunakan air dengan berhemah. Kerjasama semua pihak amatlah dihargai," katanya.

Sementara itu, LUAS, dalam satu kenyataan, memaklumkan limpahan minyak kehitaman dikesan pada satu pembedung dalam jaringan sistem pembedung di Bandar Bukit Mahkota.

Sehubungan itu, pelepasan air ke sungai dihentikan dan rawatan menggunakan Hidrogen Peroksida kristal (CHP) dimulakan pada jam 1 tengah hari kelmarin.

"Kerja pembersihan dan penye-

dutan bahan yang disyaki sisa bahan terjadual itu mula dilakukan pada jam 4 petang oleh pihak IWK, menggunakan dua lori tangki berkapasiti lima meter padu.

"Menteri Besar Selangor, Datuk Seri Amirudin Shari, juga mengarahkan intervensi segera pihak IWK untuk meneruskan kerja pembersihan dan penyedutan sisa itu supaya implikasi pencemaran dapat dikurangkan dan bekalan air terawat dapat disalurkan semula dengan kadar segera.

"Karbon yang diaktifkan juga disediakan oleh LUAS dalam keadaan siap siaga sekiranya diperlukan di takat pelepasan akhir LRK ke sungai," menurut kenyataan itu.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Pernduduk gesa kerajaan ambil tindakan segera
Muka Surat	3

BH 23/12/2019 (ms 3) Penduduk gesa kerajaan ambil tindakan segera

Subang Jaya: Kerajaan digesa mengambil tindakan segera bagi mengatasi gangguan bekalan air bersih akibat pencemaran sumber air mentah oleh pihak yang tidak bertanggungjawab sehingga memaksa operasi loji rawatan air dihentikan.

Tinjauan *BH* di sini mendapati orang ramai yang sering terjejas dengan masalah itu amat marah dan kecewa kerana masalah itu masih berulang biarpun sudah beberapa kali berlaku.

Timbalan Pengerusi Jawatankuasa Penduduk Majlis Perbandaran Subang Jaya (MPSJ) Zon 3, Datuk Noor Azman Abdul Rahman, 52, berkata penduduk yang terjejas amat kecewa kerana masalah ini masih berlaku.

"Ini bukan kali pertama, sudah banyak kali ia berlaku. Saya menggesa kerajaan dan pihak berkenaan untuk mengambil tindakan tegas dengan segera sebelum masalah ini terus menjejaskan kehidupan orang ramai," katanya kepada *BH* ketika dite-

mui semalam.

Pengurus syarikat logistik, Peter Pook, 42, berkata gangguan bekalan air untuk tempoh yang lama amat menyusahkan orang ramai terutama pada musim perayaan.

"Beberapa hari lagi Krismas akan menjelang, banyak persediaan perlu saya dan keluarga lakukan. Kalau berterus-tiada air sebegini, bagaimana kami hendak membuat persiapan menyambut Krismas.

"Sekarang ini, saya dan keluarga terpaksa menginap di rumah rakan kerana di rumah kami tiada bekalan air," katanya.

Seorang jurutera, Shanmugam Inderan, 43, pula berkata beliau sudah jemu dengan alasan sama yang diberikan pihak berkuasa setiap kali berlaku gangguan bekalan air sedangkan tiada tindakan diambil.

"Alasan sama sahaja yang diberikan iaitu pencemaran air dan bau. Tetapi sampai sekarang tiada lagi tindakan yang diambil oleh kerajaan terhadap mereka yang bertanggungjawab menyebabkan pencemaran itu," katanya.



Saya menggesa kerajaan dan pihak berkenaan ambil tindakan tegas dengan segera sebelum masalah ini terus jejakkan kehidupan orang ramai.

Noor Azman Abdul Rahman,
Timbalan Pengerusi
Jawatankuasa Penduduk MPSJ



Penduduk mengisi air dalam bekas simpanan air dari paip awam di Subang Jaya, semalam.
(Foto Aziah Azmee/BH)



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Harian Metro
Tajuk Berita	Bergilir dengan anak tadah bekalan air
Muka Surat	3

HM/ 23/12/2019 m/s 3

Bergilir dengan anak tadah bekalan air

Bangi: Penduduk kesal ada pihak mengambil jalan mudah membuang sisa kimia sehingga menyebabkan pencemaran air kembali berulang.

Mohd Fadzil Muskam, 46, berkata, tindakan sedemikian menyebabkan masalah kepada banyak pihak khususnya mereka yang berkeluarga kerana terpaksa menunggu lori tangki untuk mendapatkan bekalan air.

Beliau yang menetap di Kampung Rinching Hilir berkata, bekalan air yang dibawa lori sejak pagi tidak mencukupi kerana penduduk kampung berpusu-pusu mendapatkan bekalan.

"Saya sudah tunggu lori air sejak jam 11 pagi dan terpaksa



MOHD Fadzil

bergilir dengan anak untuk memastikan kami tidak terlepas jika bantuan air tiba.

"Rumah yang jauh dari jalan utama menyebabkan



JOHARI

kami perlu berulang-alik mendapatkan bekalan sejak air terputus semalam (kelmarin)," katanya.

Pesara, Johari Yusoff, 56,

sudah tiba masanya pasukan penguatkuasaan menggiatkan operasi untuk memastikan tiada pihak sewenang-wenangnya membuang sisa kimia.

Katanya, jika masalah ini berlarutan, ia sudah pasti membantutkan aktiviti seharian masyarakat setempat.

"Masalah sama udah berulang kali berlaku dan seakan-akan tiada penyelesaian jangka panjang. Penduduk harap tiada lagi masalah ini pada masa akan datang.

"Pihak industri juga perlu lebih bertanggungjawab untuk pastikan kontraktor yang dipilih melupuskan sisa kimia mengikut prosedur pelupusan ditetapkan kerajaan," katanya.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Penguat kuasa tak cukup pantau along
Muka Surat	3

Isu pemberi pinjam wang tak patuh arahan BH 23/12/2019 m/s 3

Penguat kuasa tak cukup pantau along

Masalah perlu dibanteras segera elak lebih ramai jadi mangsa

Oleh Amin Ridzuan Ishak
aminridzuan@bh.com.my

Kuala Lumpur: Jumlah penguat kuasa di Kementerian Perumahan dan Kerajaan Tempatan (KPKT) didakwa tidak mencukupi untuk memantau kegiatan syarikat pinjaman wang berlesen yang mengenakan peraturan di luar undang-undang.

Timbalan Presiden Gabungan Persatuan Pengguna Malaysia (FOMCA), Mohd Yusof Abdul Rahman, berkata masalah yang

berlarutan sejak sekian lama itu harus dibanteras segera bagi mengelakkan lebih ramai individu menjadi mangsa syarikat bertindak seperti along itu.

Katanya, pada masa ini pemantauan diletakkan di bawah KPKT dengan bantuan polis yang hanya akan bertindak sekiranya ada unsur kekerasan seperti ugutan dilakukan syarikat pinjaman wang berlesen atau tidak berlesen.

"Mungkin anggota penguat kuasa di bawah KPKT tidak mencukupi memantau dan membantaras kegiatan syarikat pemberi pinjaman wang berlesen yang mengenakan syarat perlu untuk menyerahkan kad mesin pengeluaran wang automatik (ATM) dan kata laluan perbankan dalam talian.

"Kerajaan mungkin boleh menyerahkan tugas pemantauan ini kepada agensi mempunyai penguat kuasa ramai seperti Bank

Negara dan Kementerian Perdagangan Dalam Negeri dan Hal Ehwal Pengguna (KPDNHEP)," katanya ketika dihubungi di sini.

BH semalam melaporkan program penjenamaan semula syarikat Pemberi Pinjam Wang (PPW) kepada Kredit Komuniti dilihat gagal menyerahkan imej baharu yang mahu ditampilkan bagi perkhidmatan itu.

Selepas lapan bulan ia dilancarkan, majoriti syarikat PPW belum memenuhi garis panduan yang ditetapkan KPKT di bawah program itu.

Ini termasuk tidak memasang papan tanda mengikut spesifikasi sebagai Kredit Komuniti.

Setiausaha Bahagian Kawalan Kredit Komuniti KPKT, Noorleza Rajab, dipetik berkata setiap syarikat Kredit Komuniti perlu memasang papan tanda khas bagi membezakannya dengan syarikat pemberi pinjam wang yang tidak

Kerajaan mungkin boleh menyerahkan tugas pemantauan ini kepada agensi mempunyai penguat kuasa ramai.

Mohd Yusof Abdul Rahman,
Timbalan Presiden FOMCA



berdaftar bagi mengelakkan penguna terpedaya.

Sehubungan itu, Mohd Yusof berkata, kerajaan juga perlu memperkasakan penerangan kepada masyarakat untuk mengelakkan mereka terpedaya dengan taktik syarikat pinjaman wang yang akhirnya menjerat mereka dengan pelbagai syarat.

"Mungkin sebelum ini ramai terpedaya kerana kekurangan pengetahuan, tetapi perlu juga

diakui bahawa ada peminjam tetap membuat pinjaman berisiko dengan syarikat selain institusi kewangan seperti bank kerana terpaksa.

"Mereka tidak layak membuat pinjaman dari bank atas sebab tertentu, apabila terdesak menggunakan wang dalam keadaan segera terpaksa mendapatkannya daripada syarikat luar mengenakan faedah tinggi serta syarat tidak masuk akal," katanya.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
 MENARA MPAJ, JALAN PANDAN UTAMA,
 PANDAN INDAH, SELANGOR,
 55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Batal lesen, dakwa syarikat langgar syarat
Muka Surat	2

BH 23/12/2019 m/s 2

Batal lesen, dakwa syarikat langgar syarat

Kuala Lumpur: Syarikat Kredit Komuniti yang gagal mematuhi syarat dan garis panduan ditetapkan Kementerian Perumahan dan Kerajaan Tempatan (KPKT) berdepan tindakan tegas termasuk dibatalkan lesen dan pendakwaan di mahkamah.

Amaran itu dikeluarkan Menteri KPKT, Zuraida Kamaruddin kepada 4,292 syarikat yang berdaftar dengan kementerian itu jika didapati gagal memenuhi garis panduan ditetapkan.

Beliau berkata, KPKT bekerjasama dengan Polis Diraja Malaysia (PDRM) bagi memantau semua syarikat Kredit Komuniti supaya tidak menjalankan perniagaan melampaui batas undang-undang.

"Jika ada aduan dan laporan, KPKT tidak teragak-agak mengambil tindakan tegas terhadap syarikat terbabit. Setiap laporan yang diterima akan disiasat dengan kerjasama polis," katanya.

Beliau berkata demikian ketika ditemui selepas menyempurnakan Majlis Pelancaran Kejohanan Bola Sepak Piala YB Zuraida Kamaruddin di padang bola Tasik Tambahan di sini, semalam.

BH dalam laporan muka depannya semalam mendedahkan penjenamaan semula syarikat Pemberi Pinjaman Wang (PPW) kepada Kredit Komuniti dilihat gagal menyerlahkan imej baharu yang mahu ditampilkan bagi perkhidmatan itu.

Format papan tanda syarikat Kredit Komuniti

Format yang disediakan oleh KPKT Format AI: Saiz 2 kaki x 6 kaki Resolusi: 300 pixels/inci Bagaimanapun, saiz adalah tertakluk kepada kelulusan PBT

Selepas lapan bulan ia dilancarkan, majoriti syarikat PPW belum memenuhi garis panduan yang ditetapkan KPKT di bawah program berkenaan, termasuk tidak memasang papan tanda mengikut spesifikasi sebagai

Kredit Komuniti. Malah berdasarkan aduan yang diterima Bahagian Kawalan Kredit Komuniti KPKT, ada syarikat terbabit mengenakan faedah melebihi kadar ditetapkan iaitu 12 peratus setahun atau satu peratus

sebulan bagi pinjaman bercagar, manakala 18 peratus setahun atau 1.5 peratus sebulan untuk pinjaman tanpa cagar.

Mengenai laporan hanya 11 daripada 4,292 syarikat yang berdaftar dengan KPKT memasang

papan tanda sebagai syarat untuk mengiklankan perkhidmatan. Zuraida berkata, kelewatan memasang papan tanda berkenaan disebabkan ia dilakukan secara berperingkat.

"Ketika kita melancarkan Kredit Komuniti tahun ini, kebanyakan syarikat terbabit menunggu sehingga mereka memperbaharui lesen masing-masing sebelum memasang papan tanda berkenaan.

"Bagaimanapun, tahun depan sama ada lesen mereka belum diperbaharui dan sebagainya, mereka kena pasang papan tanda baharu seperti ditetapkan syarat lesen," katanya.

Dalam perkembangan berasingan, Zuraida berkata, pengambilalihan tapak tanah bangunan Highland Towers di Hulu Klang akan dimuktamadkan pada 8 Januari ini.

"Isnin lalu, saya berjumpa Menteri Besar Selangor (Datuk Seri Amirudin Shari) dan beliau akan membawa isu tanah Highland Towers ke mesyuarat Majlis Tindakan Ekonomi Selangor (MTES) pada 8 Januari ini.

"Insya-Allah akan dimuktamadkan 8 Januari ini," katanya.

Amirudin sebelum ini dilaporkan pengambilalihan tapak tanah bangunan Highland Towers tidak boleh diselesaikan sebelum akhir tahun ini berikutan beberapa proses yang perlu diselesaikan membatalkan pengambilalihan tanah berkenaan.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	Berita Harian
Tajuk Berita	Selaras elaun Ahli Majlis PBT belum boleh dilaksana
Muka Surat	6

Nasional BH 23/12/2019 m/s 6

Selaras elaun Ahli Majlis PBT belum boleh dilaksana

Ada pihak berkuasa tempatan tidak berkemampuan naikan kadar

Oleh Mohd Iskandar Ibrahim
mohd_iskandar@bh.com.my

Kuala Lumpur: Seseengah pihak berkuasa tempatan (PBT) tidak mampu membayar elaun Ahli Majlis biarpun Kementerian Perumahan dan Kerajaan Tempatan (KPKT) melihat adanya ke-

perluan membuat penyesuaian terhadap bayaran berkenaan.

Menterinya, Zuraida Kamaruddin, berkata KPKT memang melihat perlunya satu penyesuaian elaun Ahli Majlis, tetapi tidak boleh dilaksanakan kerana ada PBT yang lemah dan tidak berkemampuan.

"Kementerian juga tidak mampu menampung elaun terbabit. Buat masa ini, PBT menentukan kadar elaun untuk Ahli Majlis mereka.

"Jika pendapatan PBT itu meningkat, sudah tentu mereka boleh memberi elaun yang lebih tinggi kepada Ahli Majlis," katanya kepada media selepas menyempurnakan Majlis Pelanca-

ran Kejohanan Bola Sepak Piala YB Zuraida Kamaruddin, di padang bola Tasik Tambahan di sini, semalam.

Beliau mengulas mengenai keputusan kerajaan Johor untuk menaikkan kadar elaun tetap bulanan untuk Ahli Majlis PBT di negeri itu, berkuat kuasa 1 Januari ini.

Keputusan berkenaan dimaklumkan oleh Pengerusi Jawatankuasa Kerajaan Tempatan, Kesejahteraan Bandar dan Alam Sekitar negeri, Tan Chen Choon, selepas mengambil kira faktor kos sara hidup kini yang semakin meningkat, perbandingan kadar elaun tetap bulanan Ahli Majlis di sebahagian PBT di Semenanjung

serta kekuatan kewangan PBT di Johor.

Berkuat kuasa 1 Januari ini, kadar baharu elaun tetap bulanan Ahli Majlis di PBT Johor bagi taraf Bandaraya ialah RM1,800 berbanding RM900 kadar semasa, Perbandaran (RM1,300 berbanding RM800) dan Daerah (RM1,000 berbanding RM600).

Berikutan itu, Zuraida berkata, penyesuaian elaun untuk Ahli Majlis PBT di seluruh negara belum boleh dilaksanakan kerana masih ada PBT yang tidak berkemampuan.

Katanya, elaun Ahli Majlis adalah tertakluk kepada kemampuan PBT dan bukan ditetapkan oleh kementeriannya.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
 MENARA MPAJ, JALAN PANDAN UTAMA,
 PANDAN INDAH, SELANGOR,
 55100 KUALA LUMPUR

KERATAN AKHBAR 23 Disember 2019 (Isnin)	
Akhbar	The Star
Tajuk Berita	Next city for Klang Valley
Muka Surat	4

TS 23/12/2019 m/s 4 STARMETRO, MONDAY 23 DECEMBER 2019

Visitors to Laman Santai Ampang Point can buy food and beverages from nearby food trucks and eat at the communal space provided.
 — Photos: SS KANESAN/The Star

Next city for Klang Valley

Ampang Jaya council has good chance of being upgraded next year

By FARID WAHAB
 faridwahab@thestar.com.my

AMPANG Jaya Municipal Council (MPAJ) has all the necessary ingredients to be uplifted to city council, Housing and Local Government Minister Zuraida Kamaruddin said.

She said she would push for MPAJ to be upgraded to city council by the end of next year.

Zuraida said to qualify as a city council, a municipality's revenue must at least be RM100mil, have a minimum population of 500,000 and at least one university.

"Last year MPAJ collected RM160mil in revenue. The population of Ampang Jaya has also reached 800,000.

"Although the municipality does not have a university, it has many educational institutions. We will see if this would be enough for it to qualify as a city council," she said.

Currently, there are two city councils in Selangor — Petaling Jaya City Council which achieved

Zuraida signing a plaque to launch Senario Ampang and Laman Santai Ampang Point.

the status in 2006, and Shah Alam City Council in 2010.

Zuraida also announced that the ministry would issue a directive to all local authorities in the country

to review their assessment tax, adding that many had not done so in decades.

"By law, local councils are supposed to review their assessment

rates every five years.

"However, many have not done this because of various factors.

"It is important to review the rates to ensure local councils have enough money to carry out their services," said Zuraida who is also Ampang MP after she launched the Senario Ampang and Laman Santai Ampang Point projects.

However, she said the ministry would ensure the increase was minimal and would not burden the people.

The projects involve the beautification of a back lane and the creation of a communal space along Jalan Mamanda 7, Ampang Point, measuring 7,400sq ft which can accommodate up to 300 people.

Zuraida said similar efforts would be made in other areas in line with Visit Malaysia 2020.

"We will beautify more areas to attract both local and international tourists," she said.

A total of 15 food trucks will operate in the area from 6pm to midnight daily.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 Disember 2019 (Isnin)	
Akhbar	New Straits Times
Tajuk Berita	Dangerously Unsecured
Muka Surat	1





MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
23 Disember 2019 (Isnin)

Akhbar	New Straits Times
Tajuk Berita	'It's time to get serious
Muka Surat	2

MONDAY, DECEMBER 23, 2019 • NewStraitsTimes

NEWS / Story of the day

NST Ms 2 23/12/2019

WATER DISRUPTION

'IT'S TIME TO GET SERIOUS'

Authorities should have taken better preventive measures, says expert

TEH ATHIRA YUSOF
SUBANG JAYA
news@nst.com.my

WITH three contamination cases having struck water treatment plants in the Klang Valley this year, questions have been raised over whether adequate security measures are in place to protect the country's water sources.

Experts and environmentalists believe that answers, and especially action, are needed to curb any more of such cases, which are preventable.

Water quality expert Dr Praveena Nair said the public must be educated on the importance of not disposing any waste into the river.

She said there still existed the misguided perception that anything liquid-based dumped into rivers would automatically be treated.

The public must be made aware that there was a difference between waste water treatment plants and sewage treatment plants.

Praveena underscored the importance of implementing the integrated water billing system in more states — introduced by the Water, Land and Natural Resources Ministry — as a key move to educating the public on the issue.

On Dec 20, Terengganu became

the first state in Peninsular Malaysia to implement the integrated water billing system with IWK for premises using connected sewerage service.

"This is not the first time that illegal dumping has affected Sungai Semenyih or any other rivers."

The illegal dumping of chemicals, which affected the Sungai Semenyih water treatment plant on Saturday, left 1.5 million people in several districts without water supply as the plant operations had to be shut down to ensure safety.

The National Water Services Commission (SPAN) yesterday confirmed that the illegal toxic disposal into the Indah Water Konsortium (IWK) sewage manhole at Bandar Bukit Mahkota was the cause of the odour pollution.

Praveena said SPAN and the Department of Environment should by right have a record of all chemical components from the companies that carry pollutants.

"If this is done, culprits will be less inclined to carry out such acts as they know the authorities would be able to track their activities," she said.

A water and sewerage industry expert, who wanted to remain anonymous, said the authorities should have taken better preventive measures.

"The authorities have pinpointed the location of the pollution to sewage manholes in Bandar Bukit Mahkota.

"These could have been sealed a long time ago, cutting off a potential outlet for unscrupulous parties to pollute. This should have been thought of well before.

"While it is fine and well to act



USJ 12 residents getting their water supply at the main pipe in USJ 3A, Subang Jaya, yesterday. PIC BY ROHANIS SHUKRI

now and seal them, it's akin to locking the stable after the horses have bolted," said the expert.

Dr Zaki Zainudin, a water quality and modelling specialist, said it was disturbing to note that water disruptions due to pollution continued to plague consumers in Malaysia.

"What is even more disturbing is that this is not the first time it has happened in Sungai Semenyih," he said.

He said the authorities had previously mooted the idea of tapping water from the Putrajaya Lake for the Semenyih water treatment plant as a contingency plan during emergencies of this nature.

"Maybe it's time for the government to revive that idea," he said.

He suggested that effluent from sewage and waste water treatment plants be released to an effluent holding tank (EHT) before being channelled into the river.

"This EHT must come with continuous and online real-time data transmission. This way, any

failures or anomalies can be contained.

"Priority should be given to plants upstream of intakes, especially critical ones. It is imperative that such disruptions be avoided as consumer patience is wearing thin, even more so in view of the rise in water tariffs next year," he said.

Environmental Protection Society of Malaysia vice-president Randolph Jeremiah said it was important to find the culprits and impose severe fines and punishment as a deterrent.

"Monitoring and enforcement can be difficult due to the size of water catchment areas. However, we have adequate laws.

"It must be used to the full extent for such crimes. It's time to get serious with zero tolerance for any individuals and parties responsible," he said.

Page 1 pic: Industrial waste was dumped into this sewage manhole at Bandar Bukit Mahkota in Bangi



Air Selangor water technician Muhammad Tarmizi Abdullah checking a water sample from Sungai Semenyih in Bukit Mahkota, Bangi, during the last plant shutdown in September. FILE PIC



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
 MENARA MPAJ, JALAN PANDAN UTAMA,
 PANDAN INDAH, SELANGOR,
 55100 KUALA LUMPUR

KERATAN AKHBAR 23 Disember 2019 (Isnin)	
Akhbar	New Straits Times
Tajuk Berita	IWK to seal 20 sewage manholes, says exco rep
Muka Surat	3

Story of the day / NEWS | 3
 KST 23/12/2019 m/s 3



Selangor Environment, Green Technology and Consumer Affairs Executive Committee chairman Hee Loy Sian (left) speaking at a press conference in Bandar Bukit Mahkota yesterday. PIC BY AZHAR RAMLI

IWK to seal 20 sewage manholes, says exco rep

KUALA LUMPUR: Taps ran dry for 1.5 million people here on Saturday due to an unscheduled major water supply disruption.

Residents in Hulu Langat, Sepang, Putrajaya, Petaling Jaya and Kuala Langat were caught by surprise.

The disruption was caused by odour pollution at the Sungai Semenyih water treatment plant. It was the third such incident in less than six months.

The National Water Services Commission (SPAN) yesterday said the dumping of industrial waste into Indah Water Konsortium's (IWK) manholes in Bandar Bukit Mahkota was the cause of the odour pollution.

Selangor Environment, Green Technology and Consumer Affairs Committee chairman Hee Loy Sian said 20 IWK sewage manholes in the area would be sealed to prevent a recurrence.

"This is a remote area with a small number of houses.

"I have instructed the Kajang Municipal Council and IWK to guard the entrance so we can monitor those entering and leaving the area.

"We have asked the police to conduct patrols to stop irresponsible parties from dumping chemical waste into the manholes," he said at IWK's facility in Bandar Bukit Mahkota yesterday.

He said closed-circuit television cameras would also be installed.

He said three pollution cases had hit water treatment plants this year — one at the Batang Kali plant and two at the Sungai Semenyih plant.

In July, more than one million people in Selangor and here were hit by water disruptions following odour pollution at the treatment plants.

In the incident, oil-based waste was found in the inlet of the IWK treatment plant in Batang Kali, which led to a complete shut-

down of the Sungai Selangor Phases 1, 2 and 3 water treatment plants, as well as the Rantau Panjang plant downstream.

In September, odour pollution was detected at the Sungai Semenyih water treatment plant, forcing it to cease operations for 13 hours, affecting more than 370,000 households in Petaling, Hulu Langat, Kuala Langat and Sepang.

Stressing that IWK had followed standard operating procedures set by the Environment Department, Hee said IWK was a victim in this incident.

"Following the incident, discharge from IWK, which occurs every 30 minutes into Sungai Semenyih, will be tested as the river is a main source of water for the people.

"We have proposed to the Energy, Science, Technology, Environment and Climate Change Ministry that the water quality be assessed by its odour to detect sewage disposal."

Hee said the pollutants had been identified as a solvent mixed with oil, a type of industrial waste.

"The sample has been sent to the Chemistry Department. It will take a week to analyse the sample and determine what the chemicals are."

Hee was, however, unable to offer an estimate on when water supply would resume.

"We need to ensure that the pollution is cleared before the Semenyih plant can resume its operations."

Air Selangor Sdn Bhd, in a statement, said the Sungai Semenyih and Bukit Tampoi water treatment plants would remain closed until further notice.

"Air Selangor, together with IWK and other related agencies such as Lembaga Urus Air Selangor (Luas), is carrying out cleaning work."